



皇朝蓄艾文編

(六)

皇朝著文編卷四十九

邊陲一

江都于寶軒驪莊輯

國朝綏服蒙古記一內六盟蒙古

魏源

蒙古諸游牧國之大名也。十七行省及東三省地爲中國。而西回部。而南衛藏。而東朝鮮。而北鄂羅斯。其民亦皆土著之人。其國亦皆城郭之國。若乃不郭郭。不宮室。不播殖。穹帳寄而水草逐者。惟瀚海南北部。及準部青海諸部則然。故史傳外夷皆以居國行國爲大界畫。而游牧行國。又以瀚海爲大界畫。若漢匈奴賢王。有左右。一居東方以接濊貊。一居西方以接氐羌。而單于庭直代雲中。攘之則還於漠北。至後漢而爲南單于。北單于。再變爲東湖西湖。三變爲柔然。爲東西奚。四變爲東突厥西突厥。五變爲內回紇外回紇。上下數千年。離合絕續。皆以大漠爲諸部之綱維。於是乎左。於是乎右。於是乎南。於是乎朔。其擴入叛圖。列爲郡縣者。惟唐初蕩平突厥之地。置定襄雲中等郡。領於單于瀚海二都護。一時稱極盛。而控御不久。遼金置上京中京西京諸道。僅域於東西奚。而未及河朔。惟元起漠北。奄有函夏。於漠南置大寧上郡興和大同等路。於漠北置和林行中書省。以至西域青海。皆分建諸王駙馬。爲古

今戍索之一變。明之中葉。元裔由漠北入漠南。於是邊防復棘。且其根柯盤固。支條蔓衍。爲今蒙古各部汗王。環處大漠。故

高宗言三代以後。惟元太祖裔至今

不絕云。最其部類。大分有四。曰漠南內蒙古。曰漠北外蒙古。曰漠西厄魯特蒙古。曰青海蒙古。四部中漠南內蒙古。接攘滿洲。臣服最先。至康熙初。而漠北喀爾喀三部內歛。及

親征準噶爾。而青海諸部來庭。於是三大部蒙古皆渾爲一家。惟漠

西厄魯特。恃其荒遠。抗衡狂突。至乾隆中始夷其疆域。空其部落焉。漠南漠北二部。大半山元太祖成吉思汗。至今世嫺。帝室其西海則元之旁支。西域則元之臣僕。至今惟通朝貢。與稱外戚甥舅者殊科。因而區之以昭戎索。

內札薩克蒙古六盟。東四盟。當盛京黑龍江。及直隸邊外。西二盟。當山西陝西甘肅邊外。凡四十有八旗。二十有四部。并歸化城。土默特則二十有五。東抵吉林黑龍江界。西至賀蘭山。南界長城。北距瀚海。絡雍冀幽并營五州北境。袤數千里。明初悉攘諸漠北。中葉復薦食漠南。邊患遂與明代相終始。我朝龍興。首臣科爾沁。繼平插漢。即察哈爾。於是諸部先後來庭。有大征伐。率師以從。世其封爵。時其朝貢。凡二十五部。爲五十有一旗。其制略與在京內八旗蒙古等。其朝覲分爲三班。其會盟則若科爾沁。

若郭爾羅斯。若杜爾伯特。若札賚特。四部爲一盟。其盟所曰哲里穆。其貢道由山海關。若札魯特。若喀爾喀左翼。若奈曼。若敖漢。若翁牛特。若阿魯科爾沁。若巴林。若克什克騰。八部爲一盟。其盟所曰召烏達。其貢道由喜峰口。奈曼卽元史所謂乃蠻也。元太祖既平乃蠻。以封其子。故後人因以名部。蓋先得漠北。後得漠南也。若土默特。若喀喇沁。二部爲一盟。其盟所曰卓索圖。其貢道亦由喜峰口。若烏珠穆沁。若浩齊特。若阿巴哈納爾。若阿巴噶。若蘇尼特。五部爲一盟。其盟所

曰錫林郭爾。其貢道由獨石口。以上爲東四盟。內蒙古。若四子部落。若喀爾喀右翼。若茂明安。若烏喇特。四部爲一盟。其盟所曰烏蘭察布。其貢道由張家口。又鄂爾多斯一部七旗。牧河套內自爲一盟。其盟所曰伊克台。其貢道由殺虎口。以上爲西二盟。內蒙古。每三載盟會之期。

命大臣賚敕以往。設正副盟長各一。以簡軍實。閱邊防。理訟獄。審丁冊。惟歸化城。土默特。向隸將軍都統。及各廳同知。不設札薩克。故會盟集於本城。不設盟長聽。

簡命大臣蒞視。其各部每旗事權。皆掌於札薩克一人。此外皆散秩。其親王郡王貝勒貝子鎮國輔國公台吉等。或以功晉封。或以事襲。無定員。初元太祖起和林。削平西北諸國。建王駙馬等世守之。爲今內外札薩克蒙古所自出。而仲弟哈薩爾以射聞。季弟勒格圖以勇歸。佐命功尤大。今之阿

巴噶阿巴哈納二部。皆勒格圖後也。兩科爾沁。及札賚特杜爾伯特郭爾羅斯四子部落。茂明安烏喇善青海和碩特九部。皆薩哈爾後也。又有太祖十五世孫達延車臣汗者。建庭和林。支裔繁布於漠南北。若奈曼巴林敖漢蘇尼特烏珠穆沁鄂爾多斯克什克騰喀爾喀左右翼九部。皆其後也。翁牛特則太祖弟諤楚因之後。札魯特及土默特右旗。則太祖十八世孫之後。惟喀喇沁及土默特左翼。爲太祖功臣濟拉瑪之後。餘皆元子孫。皆以插漢部爲大宗。其歸本朝也。皆以林丹汗不道之故。今不悉述。述其尤著者。

太宗文皇帝。天聰九年。得傳國璽於元小王子裔插漢部。於是蒙古四十九貝勒。及土默特兩旗合上尊號。改元崇德。是爲我大清受命之始。前此太祖天命中。臣服諸國。除瀋陽遼陽得自明外。餘若黑龍江五部。長白山二部。東海三部。扈倫國四部。凡河東河西之地。使犬使鹿之邦。明人所稱南關北關者。皆金代部屬。語言相同。城郭之國。非蒙古行國也。其時已與科爾沁盟好。而與插漢構釁。插漢部者。元之嫡裔。大宗也。初順帝北歸和林。連易五主。始去國號。稱韃靼可汗。皆在洪武之世。永樂初。本雅失里可汗爲阿魯台所立。宣德中脫脫不花可汗爲瓦剌酋長脫歡所立。景泰

中也。先篡之。不久。部下仍立脫脫不花子。號小王子。自是世以小王子稱。正德中小王子尤強。并青海及烏斯藏。控弦十餘萬。嘉靖中稍厭兵。徙幕遼東邊外。稱土蠻。而分諸部落。留西北邊。其時邊防皆急。河套青海及俺荅封西陲。莫于是。東部土蠻小王子裔數入寇。邊患又中於薊。故明世邊寇曰河套部。河西部。河東部。西則今青海蒙古。東則今內札薩克蒙古。套則今阿拉山及鄂爾多斯蒙古也。至西厄魯特。則瓦剌王歡脫也。先之裔。明中葉後罕入寇。或言厄魯特即明之阿魯台者誤也。阿魯台世與瓦剌安得復爲阿魯台之裔耶。况阿魯台人名非部落之名。相仇殺且一東一西部落判然。厄魯特既爲瓦剌之裔也。厄魯特之稱猶唐古特猶魏晉安得以人名當之乎。而北部喀爾喀蒙古隔於大漠。終明世不見於史云。萬厯中。我大清兵起。明人思用東部插漢小王子。即察哈爾欲以敵大清。而要挾歲賞。終無成效。末年。林丹汗士馬強盛。橫行漠南。有宋康武乙之暴。天命四年來聘。書稱統領四十萬衆。蒙古國主巴圖魯青吉斯汗致書水濱。三萬衆滿洲國主。且恃其號勃。馮陵諸部。諸部先後毆歸。大清請師援救。天聰八年六月。太宗統大軍。盡徵各部蒙古兵。征察哈爾。時遼河夏漲。晝夜冒濤。出其不意。逾內興安。順千三百里。至其庭。林丹汗謀拒戰。而所部解體。遂徙其人畜十餘萬衆。由歸化城渡河西奔。沿途離散十之七八。林丹汗走死於青海之大草灘。我大軍至歸化城。

收其部落數萬而還。明年其子額哲率所部奉傳國璽來降。封親王。位冠四十九旗貝勒之上。其衆編旗安置義州。額哲卒。其弟襲爵。備至布爾尼。當康熙十四年吳三桂之變。徵其兵不至。旋煽奈曼等部擁衆同叛。

詔以多羅信郡王鄂札爲撫遠大將軍。以大學士圖海副之。率不附逆各部蒙古進兵討。四月師次岐爾哈台。偵賊屯於達祿。我軍留輜重。以輕騎進。布爾尼設伏山谷間。列陣以待。我軍先敗其伏兵。進擊其大隊。敗之。布爾尼收潰卒戰。復連敗。以三千騎遁。爲科爾沁兵射死。凡六閱月。平空其故地。置牧廠。隸內務府太僕寺。而移其部衆遊牧於宣化大同邊外。其兀旗分東西二翼。其旗內官地。及與漢民互市訟獄。治以四旗廳。及獨石口張家口豐鎮寧遠各廳。其本旗事務。轄以都統等官。而總隸於理藩院典屬司。此八旗在蒙古四十九旗外。官不得世襲。事不得自專。與各札薩克君國子民者不同。其故地袤延千餘里。在獨石口張家口邊外。又歸化城土默特者。明順義王俺荅之後也。中爲察哈爾所滅。我

太宗親征察哈爾。蹕歸化城。降其部衆。編爲二旗。以其部長爲左右翼都統。并還其世所守順義王印。而遣將軍貝勒岳托副都統吳巴海。駐其城鎮守之。土默特酋博碩克圖之子。使喀爾喀陰與明通。吳巴海邀斬其使。崇德元

年喀木尼漢部葉雷等叛投漠北。吳巴海率兵追之。數旬無所見。漠中射一鴈。負矢飛而墮。往取之。見賊營遺火。遂躡及於溫多嶺。葉雷注矢引滿將拒戰。有狐起於前。觸葉雷弓墮。遂爲我禽。始收其順義王印。乾隆中。并裁都統。其旗務則掌之將軍副都統。惟存輔國公世爵一。不理事。并設同知通判理旗民賦訟。與京師內八旗蒙古相等。而與插漢小殊。故新疆各省駐防。有察喀爾蒙古兵。無土默特蒙古兵。

科爾沁部在喜峰口外。東西距八百七十里。南北距有二千有百里。南界盛京邊牆。北界索倫。本元太祖弟哈薩爾之後。明初置兀良哈三衛之一也。後自立國曰科爾沁。明洪熙間。爲厄魯特所破。東避嫩江。以同族有阿魯科爾沁。因號嫩江科爾沁。以自別。其札賚特杜爾伯特郭爾羅斯三部。皆科爾沁一部所分。兄弟同牧。皆屬插漢部。我太祖初年。科爾沁與葉赫哈達。烏拉。輝發。錫伯。卦爾察。珠舍里。納殷。共

九部之師三萬來侵。攻赫濟格城不下。陳兵古埒山。

太祖親禦。破之。逾數年

復征烏拉部。敗科爾沁來援之衆。於是科爾沁與諸部遣使來乞好。天命九年。插漢林丹汗。以兵侵陵諸部。諸部或北徙瀚海。依喀爾喀。或東走依科爾沁。科爾沁長插漢之。□□□我朝遂率之來覲。自是爲不侵不叛之臣。天命十一年。太祖

崩。

太宗卽位。科爾土謝圖汗遣使來弔。曰。恭聞強武英明大可汗上賓。粵巴台吉敢奏書以慰八旗大小諸貝勒。昔察希爾巴敦汗主四方。握七寶。數盡則必死。雪山白獅子其力雖大。限到亦死。深海之內。縱有諸寶。無裨於龍王之死。故成必有壞。死必有終。爾

皇考奮起孤憤之中。並吞大小諸國。爲一虎步中外。是天之

所豪。宜返天上。惟生者能自強。則死者爲不死。後嗣勉之矣。是年始封科爾沁粵

巴台吉爲土謝圖汗。天聰二年。會大軍插漢。三年至八年。亦屢上書。明崇禎帝請與我朝和罷兵。其書尙自稱三衛。十年。大軍蕩平林丹汗全部。於是兩科爾沁及札賚特。杜爾伯特。郭爾羅斯。喀喇心。土默特。敖漢。奈曼。巴林。札魯特。翁牛特諸部。遣朝鮮國王書。合詞上

尊號。改元崇德。禮成冊功。

詔科爾沁設札薩克五。賜

親王。口王鎮國公爵有差。二年從征朝鮮。三年從征喀爾喀。四年從征索倫。八年從征明。及黑龍江諸部。順治元年。偕札口口杜爾伯特郭爾羅斯。以兵從睿親王多爾袞入山海關。走流賊。定京師。二年。以兵從豫親王多鐸。定江南。三年復從討蘇尼特。曾騰吉思。敗喀爾喀兩汗援兵。七年。復增科爾沁札薩克一。康熙十有三年。科爾沁額駙沙津。率各部兵討插漢曾布爾尼之叛。陣斬之。盡平其部。科爾沁從龍佐命。世

爲柿附。與國休戚。

孝端文皇后。

孝莊文皇后。

孝惠章皇后。皆

科爾沁女。故世祖當草創初。冲齡踐阼。中外帖然。緊蒙古外戚扈戴之力。自天命至乾隆初。額駙上主者八。有大征伐。輒屬橐前驅。勞在王室。非直親懿而已。故順治十有一年。

上以諸札薩克蒙古久不見。恐壅上下之情。特

賜敕存問。令

有所欲。請隨時奏聞。朕世世爲天子。爾等亦世世爲王。屏藩百世。而土謝圖親王。達爾漢親王。卓理克圖親王。札薩克圖郡王。四爵俸幣。居二十四部之上。

鄂爾多斯部。在河套中。東西北三面皆距河。東西袤二千里。南北廣八九百里。首尾或五六百里。三四百里。秦蒙恬所奪匈奴河南地。以陰山爲塞。而漢唐之朔方郡也。前代城堡邊牆。故蹟棋布。而花馬二池。鹽與河東鹽并行。地宜馬駝。有麥梁山。鐵可爲兵。河柳可爲筥。赫連元昊屢爲霸國。形勝可戰可守。元太祖十六世孫。巴爾蘇始居之。爲鄂爾多斯濟農。有九子。分牧而處。是爲今鄂爾多斯七札薩克之祖。明末苦林丹汗之虐。糾合喀喇沁阿巴。噶諸部。敗察哈爾兵四萬於土默特之趙城。天聰九年。大軍追林丹汗子額哲於黃河西。未至鄂爾多斯。先邀與盟。攘其部衆。而獻千戶於我朝。順治初出兵。隨英親王剿流賊於陝西。康熙中會剿叛賊王輔臣皆有功。

三十五年

上親征噶爾丹。至所龍界。諸札薩克渡河朝。

御營獻馬。請

設驛饋運。出兵扈蹕。

上嘉其俗龐土沃。牲物獵嫻。周覽形勢。謂札薩克等曰。

明人議河套。畏爾蒙古。如楊側臥虎。亦其時無人耳。若今日大軍且逾陰山。賀蘭山。

出爾背後。其奈我何。諸札薩克稽首曰。今天下一家。

上奈何出此驚人之語。

耶。本六旗。至乾隆中。滋息復增一旗。設札薩克七。自爲一盟。

鄂爾多斯明史作漢爾都言

國朝喀爾喀相繼歸誠。名凡三。曰舊喀爾喀。卽編入八旗之駐京蒙古也。曰外喀爾

喀。卽漠北外札薩克四部蒙古也。曰內喀爾喀。卽喜峰口張家口外之內札薩克左

右翼蒙古也。左右翼本元太祖十五世孫達延車臣汗之裔。汗之子格噶爾森札賚爾。

居杭愛山。有子七。始號喀爾喀七旗。部族繁衍。分東西中三路。以三汗掌之。皆在瀚

海之北。順治十年。中路台吉本塔爾與其土謝圖汗有隙。率千餘戶來歸。封親王。賜

牧張家口。列內札薩克諸位諸邦。是爲喀爾喀右翼。康熙三年。西路台吉袞布伊

勒登。以其汗爲同族所戕。部衆潰散。乃越瀚海來歸。賜牧喜峰口外。是爲喀爾喀左

翼。此外蒙古同名者。有兩科爾沁。同名同族。一居嫩江號有兩杜爾伯特。同名異族。一

札薩克一

西厄魯特。有三十默特。其二部分左右翼。異姓同牧。

左翼元臣濟拉瑪裔右翼元太祖裔

其一部號歸化城。

土默特。與右翼爲近族。

臣源曰。本朝撫綏蒙古之典。以木蘭秋獮爲最盛。木蘭者。圍場之通稱也。仲秋之後。虞人效鹿鳴。以

致鹿曰哨鹿。國語謂之木蘭。因以名圍場云。

自順治初。

世祖出張家口獨石口外行獵。次上都河。入古

北口。爲塞外秋獮之始。康熙中。蒙古諸部。獻其牧地。規爲圍場。自是歲舉蒐狩。車攻馬同。以師兵爲營衛。凡內外各札薩克。悉率左右分班扈獵。星羅景從。霆驅雨合。而

天子親御王弧。止齊步伐。三驅田禽。寓綏遠於訓武。其圍場東西三百餘里。

南北二百餘里。周千有餘里。卽元代上都遼金中京上京之地。明代烏梁海韃靼諸部游牧。旁薄雄輿。體大物博。天所以嚴聖武歟。其合圍周圍以柵。八旗各一營。規

高處爲卡倫。每營各五卡倫。守以官兵。統凡圍場六十餘所。每歲車駕行獵。

或十餘圍。或二十圍。無定數云。康熙三十年。圍場在多倫泊。出古北口三百餘里泊南有彙宗寺。

以綏黃教四十八部。部各一刺麻佳持。御製寺碑。謂諸部在瀚海龍堆之東。

西北者。道里適中。及四十年。始建避暑山莊於承德府之灤河。土名熱河。在多倫泊東南。四百里。出古北口百餘里。

距京師更近。乾隆嘉慶。歲歲舉行。惟雍正十四載中。無之。雍正中。于多倫泊西南造善因寺。專供章佳胡土胡圖後身佳持。

而今上繩武。

世宗不舉秋獮者二十餘載。

國朝綏服蒙古記二 外 四盟蒙古 附夜談隨錄一則

魏源

瀚海絕地中央。莽巨數千里。天以界中外。漢唐兵力盛時。或能有漠南。從無兼有漠北者。有元一代。始以和林。終以和林。和林者。大漠之北。杭愛山之南。鄂爾坤河之西北。回紇舊建牙之所。自古北匈奴所庭也。爲瀚海王氣之區。故太祖十五世孫達延車臣汗者。留牧其地。苗裔亦獨盛他部。其子十有一。分徙漠南者。旣爲敖漢。奈曼。巴林。札魯克。克什克騰。烏珠穆沁。浩齊特。蘇尼特。鄂爾多斯。九部之祖。其季子格呼森札賚爾。留故土。析衆萬餘。分授七子爲七旗。分左右翼。又爲喀爾喀各部之祖。及其孫阿巴岱。赴唐古特。謁達賴刺麻。請藏經歸漠北。部衆智而汗之。遂世號土謝圖汗。并其族車臣汗。札薩克圖汗而三。東西五千里。南實三千里。東界黑龍江。西界厄魯特。北界鄂羅斯。南盡瀚海。我喀爾喀。喀爾喀來聘。且請絕明市。

命賚貂服朝珠弓刀金幣。二年。貢異獸名馬甲冑貂皮雕翎。及鄂羅斯火鎗。回部弓箠鞍轡。阿爾瑪斯斧。元狐白鼠裘。以謝詔定制歲獻白駝一。白馬八。曰九白之貢。順治三年。蘇尼特部騰機思。

太宗之額駙也。與睿親王不合。率所部北投喀爾喀。於是土謝圖汗車臣汗合兵三

萬迎之。并掠巴林部人畜。

命德豫親王多鐸爲揚威大將軍往征。六月師至

噶爾察克山。騰機恩等屯於袞噶魯台。聞風遠遁。令外藩郡王滿珠習禮副都統明安達禮追及於歐克特山大破之。斬其台吉毛害。迎下嫁格格還。我兵渡臘河。復追之。禽其家口輜重。牲畜十餘萬。八月自土臘河擊敗土謝圖汗兵二萬。次日復敗碩雷汗兵三萬。皆斬獲無算。馬疲班師。四年。札薩克圖汗上書代解。書不稱名。詞又距。睿親王讓之。五年。騰機恩復來歸。喀爾喀各汗亦奉表請罪。詔各遣子弟來

朝。補九白之貢。盡歸所掠巴林人畜。不奉詔。十二年。三汗始遣子弟來乞盟。

詔賜盟宗人府。設札薩克八。仍分左右翼。康熙二十三年。左翼土謝圖汗攻右翼札薩克圖汗。而奪其妾構兵。又與準噶爾隙。上遣使偕達賴喇嘛使往平之。初

喀爾喀世雄漠北。及中葉。專佞刺麻。習梵唄。懈武事。又部族嗜酒。自相陵蔑。遂爲厄魯特覬覦。二十七年。噶爾丹大舉入其庭。再戰再北。三部落數十萬衆瓦解。先後東奔。或議令四十九旗正古攘取之。上不忍乘其厄。發倉給畜。滂沱沛澤。三十

年。駕出塞外。受其朝大會。閱於多倫泊。卽元上都地也。上以新附衆

數十萬。宜訓以法度。前期檄內外札薩克各蒙古。皆豫屯於多倫泊百里外。

車駕發京師。軍臨多倫泊上。三旗親軍營居中。八旗前鋒營二。護軍營十。火氣營四。共十六營。分二十八汎。御製髡宗寺記曰多倫泊者清淑平曠饒水各環

營而峙。傳

諭內外蒙古移近

御營五十里。不得入哨內。屆期陳鹵簿

御帳殿於網城南。受朝賜燕。次日

上躬擐甲胄大閱。嚴申約束。土謝圖汗等

具疏請罪。宣敕諭分三十旗爲左右中三路。割內蒙古水草地。俾游牧近邊。仍留其

汗號。與內札薩克各旗同列。噶爾丹既并其地。遂沿克魯倫河南牧。犯近塞。

車駕再親征。殄噶爾丹而反。喀爾喀于漠北。加封有功諸台吉。增編爲五十五旗。屯

田于鄂爾昆河左右。并徵其兵防秋於河爾泰山。雍正九年。以固倫額駙策凌奮擊

準噶爾功。又增賽音諾顏部。授札薩克。分轄各旗。共前三部爲四部。共七十四旗。乾

隆中。增至八十二旗。建城烏里雅蘇台。及科布多。駐定邊左副將軍。及參贊大臣鎮

撫之。參贊大臣三人一駐科布多二駐烏里雅蘇台其一以蒙古王公台吉爲之凡外札薩克之兵。各統以將軍大臣。喀爾喀四部

之兵。統於定邊左副將軍杜爾伯特新土爾扈特和碩特之兵。統於科布多參贊大

臣。舊土爾扈特和碩特之兵。統於伊犁將軍。青海各部之兵。統於西寧辦事大臣。有

事聽將軍大臣奏調。視內札薩克之兵。卽統於各部汗王者不同。而烏里雅蘇台科

布多。皆歲徵蒙古兵換防屯牧。一如出征專閫之制。視東三省歸化城伊犁。卽以駐防將軍兼轄者亦不同。故定邊左副將軍。節制四汗八十二旗。及金山天山聞烏梁海等數十部。爲邊外第一重鎮。其與鄂羅斯互市之道。由東庫倫西庫倫二驛達於恰克圖。而以楚庫河爲中外界。其會盟分四路。土謝圖汗部二十旗爲中路。居土臘河左右境。其盟所曰罕阿林。車臣汗部二十三旗爲東路。居克魯倫河左右境。其盟所曰巴爾和屯。札薩克圖汗部十七旗爲西路。居杭愛山以西境。其盟所曰畢都里雅。賽音諾顏汗部二十旗兼轄厄魯特二旗爲北路。居翁金河北境。其盟所曰齊爾里克。每會設盟長一人。副盟長一人。其貢道均由張家口。今不具述。獨述賽音諾顏部。蓋太祖十八世孫圖蒙肯之裔也。初明世喀爾喀刺麻紅黃二教爭。圖蒙肯申黃教。西藏達賴刺麻賢之。授賽音諾顏之號。其旗仍隸土謝圖汗。三傳至善巴。世牧塔密爾河。在杭愛之西。鄂爾坤河之北。卽元和林地。氣鍾河山。隆隆天啓。康熙三十年。善巴從弟策凌。幼自塔密爾河隨母來京師。見奇。聖祖教養內庭。四十五年。授和碩額駙。尙純愨公主。卽所謂超勇親王定邊左副將軍。授大札薩克。以功配享太廟者也。五十四年。率所部赴推河。隨北路大軍。禦準噶爾。五十九年。隨大